

სასახლსო ბაზუქი

საქართველოს
გაზეთის № 966

დაგეგმვის № 170

კვირა, 11 აგვისტო 1913 წ.

სინათლე

ზღაპარი ფერია

3 მოქმედ. და 7 სურათად.

მოქმედები პირნი:

მეფე ჯიმშერი.
დედოფალი.
გორჯასპი
ავთანდილი } მათი შვილები
სპასალარი.
ვეზირი.
პირველი და მეორე დესპანები.
პირველი კარის კაცი.
მეორე კარის კაცი.
შიკრიკი პირველი და მეორე.
გლეხკაცები პირველი და მეორე.

დავრიში—ქაჯთა მეფე-
ჯადოსანი—მისი დედა.
პირველი ეშმაკი.
მეორე ეშმაკი.
მესამე ეშმაკი.
პირიშვე.
მთვარია.
ბროლისახე
ნათელა.
წყრიალა.
ანკარა.

ფერიები.

ეშმაკები ქაჯები, გლეხები, გამდლები ძიძები და ორი დარაჯი.

მოქმედება პირველი.

სურათი I

მარცხნივ სასახლეში შესავალი კარები. წინ ეზო, სამი დიდრონი კაკლის ხე. შუა ხის ძირში ბალახინი მეფე დედოფლისათვის. მარცხენა ხის უკან კლდე. კარის მსახურნი შუა ხის წინ სუფრას ამზადებენ. თავს ადგანან I და მე-II კარის კაცები. უკან მოსჩანს სასახლის ბაღი.

პირველი კარ. კაცი. ჰა, აბა ჩქარა! სადაცაა მეფე გამობრძანდება...

მეორე კარ. კაცი. თითქმის ყოველის ფერი მზათა... (გაიწვევს განზე პირვ. კ. კ—ს) ადამიანო! ეს დაუსრულებელი ღვინო-ქეიფი როდემდის გასტანს. მეფემ საქმეებს სრულებით თავი გაანება. ხალხი იჩაგრება, ირგვლივ მტერი გვარტყია... არ ვიცი, როდემდის უნდა ვიყოთ ამ მდგომარეობაში...


პირველი კარ. კაცი. ეჰ, ძმაო... სევდას და მწუხარებას რას უზამ, გლოვის ღვინო ეს ჩვენი მეფის ქეიფი... „შვილი არა მყავსო და ამოდენა სიმდიდრე, სარჩო, სანოვანე ვის დაუტოვო... სჯობს ვიდრე ცოცხალი ვარ მე თავად გამოვიყენო...“ საქმეებზე ხმას არავის ამოაღებინებს. დიდებულები გაჩუმდებიან არიან. იმ დღეს სპასალარმა სამეფო საქმეებზე ჩამოუგდო ლაპარაკი. მეფე განრისხდა, გაუწყრა... „თუ ჩემი პურმარხი არ მოგწონს, გზა დამილოცნიაო.“

მეორე კარ. კაცი. აი ახლაც ემანდ შიკრიკი იცდის და მეშინიან, ვერ მომიხსენებია...

პირ. კარ. კაცი. შიკრიკი?... საიდან მოსულა?

მეორე კარ. კაცი. სამხრეთიდან... ისეთი ფერი კი ადევს, რომ კარგი ამბის მახარებელი არ უნდა იყოს.

პირ. კარ. კაცი. სამხრეთიდან? ალბად როსტომ მეფე შემოესია ჩვენს საზღვრებს და ხომ იცი ის კეთილს არ დავაყრის... რაც გახდება გახდეს და მაგ შიკრიკის მოსვლას ვეზირს ვაუწყებ. გაჩუმება არ შეიძლება (ისმის მუსიკის ხმა. ზურნა) აგერ მეფე დედოფალიც მობძანდებიან. (შემოდინ მე-



ს.-პეტერბურგის აღმოსავლეთის ენების ფაკულტეტის პროფესორი, აკადემიკოსი ნიკო მარია (მისი მეცნიერული მოღვაწეობის 25 წლის შესრულების გამო.)

ფე, დედოფალი ამალით, მათში სპასალარი და ვეზირი. მეფე დედოფალი დასხდებიან ბალახინის ქვეშ. ამაღლა სუფრასთან ადგილებს დაიქვრს. პირველი კარ. კაცი ვეზირს წასჩურჩულებს).

მეფე. დაბძანდით, ჩემო ძვირფასო სტუმრებო, განვაგრძოთ ამ გრილოში ჩვენი ტკბილი ღვინო... (სხდებიან).

ვეზირი. მაპატიე, დიდებულო მეფე, ცოტა რამ საქმე გახლავთ... ძრიელ საქმეო საქმე...

მეფე. კიდევ საქმე?... რამდენჯერ მითქვამს: მე საქმეებს თავი დავანებე. ნუ თუ მე, მეფეს, იმის უფლებაც არა მაქვს, რომ მშვიდობიანათ ვიღვინო, საქმეებისთვის არ ვიტკიო თავი?..

ვეზირი. მზეო ქვეყნისაგ! შიკრიკი გხლებია...

მეფე. შიკრიკი?... თუ გვპატიუბს ვინმე? შემოიყვანეთ შიკრიკი და ვაი იმის თავს, თუ საქმეებზე მოგვიყვანა ლაპარაკს (კარის კაცი გადის და შემოჰყავს შიკრიკი. შიკრიკი მიესალმება მეფეს).

შიკრიკი. დიდება და დღეგრძელობა ჩვენს სახელოვანს მეფე ჯიმშერს!..

მეფე. რითი გავგახარებ? საიდან მოდიხარ?..

შიკრიკი. სამხრეთიდან, დიდებულო!.. როსტომ მეფე აუარებელი ჯარით და ხომალდებით მოადგა ჩვენს საზღვარს. ზღვის გზა შეგვიკრა და შენი ორი ხომალდი ხელთ იგდო. ამ ხომალდებს შენთვის აუარებელი ოქრო და მარგალიტი მოჰქონდათ ინდოეთიდან...

მეფე. (განრისხებული) ემაგისთვის შემაწუხეთ... მაგისთვის შემაწუხეთ ღვინო?... მაინც საქმეებით მაწუხებთ? როსტომ მეფე?... ოქრო? რად მინდა ოქრო?... ნეტავი ჩემს სიცოცხლეში ის მოვიხმარო რაც მაქვს. მე თქვენ გეტყვით შვილი მყავს და იმას დაუტოვებ... როსტომ მეფე კოტრი და ლატაკია... შინ ლუქმა პურიც კი უტკირს... დეე, მიჩუქებია ის

ოქრო მისთვის... (შიკრიკს) გაეთრიე აქედან და ღმერთს მადლობა შესწირე, რომ კარგს გუნებაზე ვარ, თორემ მათრახები არ აგცდებოდა. (შიკრიკი გავა) დაბძანდით, ყმაწვილებო, განვაგრძოთ ღვინო... აბა, სპასალარო, იკვებდი შესანიშნავი მოცუკვავე ქალები ვიშოვნეო... გვაჩვენე ეს შენი მოცუკვავენი, თორემ ცარიელ ტრაბახობაში ჩამოგართმევ...

სპასალ. ოღონდ შენ ისიამოვნე, დიდებულო მეფე, და სწრაფლ აღვასრულებ შენს ბძანებას (დაუკრავს სამჯერ ტაშს. ბალიდან გამოსცვივდებიან ფერიები: პირი მზე, მთვარია, ბროლი სახე, ნათელა, წყრიალა და ანკარა. უკრავს ნაზი მუსიკა. ფერიები ცეკვავენ. გაათავეს ცეკვა. გაიქცნენ და დიმილნენ ბაღში.)

მეფე. მართლაც მშვენიერები ყოფილან... რალად გაიქცნენ... სპასალარო, დაუძახე, გვსურს დავსტკბეთ ცოტათი კიდევ მათ თვალ-წარმტაცი ცეკვით... რა მშვენიერები არიან. სად გიშოვნია, სპასალარო?... დაბრუნე, დაბრუნე... კიდევ ვაცეკვავოდ... ძვირფასს საჩუქარს არ დავზოგავ...

სპასალარ. ჩვენო დიდებავ! ვერვინ დავწევა და არც დაბრუნდებიან... ტყის ფერიები არიან... იმ დღეს ჩემი მონა-

დირეები ტყეში ნადირობდნენ... დაჰლამებოდათ მალა მწვერვალზე. დილის რიყრაყზე, ის იყო ტყეს ღამე ემზიდობებოდა და დღე ებარებოდა, მისდგომიან მონადირეები ერთს უზარმაზარ მუხის ხეს და დაუნახავთ ამ მუხის გარშემო მოცვევავე ფერიები. დასდევნიან მონადირეები დასაკერად, მაგრამ გასხლტომიან ფერიები ხელიდან. მხოლოდ ერთი ფერიის ლეჩაქი ხელთ შერჩენია მონადირეს და მოგესხენებათ, მეფევე, თუ ფერიამ თავისი ლეჩაქი დაჰკარგა,—მზის ამოსვლის უმალ მოჰკვდებოდა... ეხვეწებიან ფერიები დაგიბრუნეთ ლეჩაქიო.. მონადირეები არ ანებებენ... „წამოდიო, ჩვენის მეფის წინაშე იცეკვეთ და ლეჩაქს დაგიბრუნებთო“. ბევრი ყოყმანის და მუდარის შემდეგ დათანხმებულან ფერიები. გადმოუგდიათ ერთი რკო და უთქვამთ: გისაც ეს რკო ექნება და საჯერ ტაშს დაჰკარავს, სადაც უნდა იყოს გავჩნდებით და ვიცეკვებით, მხოლოდ ერთხლის მეტად კი არ შეგვიძლიან ცეკვაო. დაუბრუნებიათ მონადირეებს ლეჩაქი და რკო კი მე მომიტანეს. ახლა ამ რკოს არავითარი ძალა აქვს, რადგანაც ფერიებმა თავისი დაპირება აღასრულეს.

მეფე. ეხ, ყოველგვარი სიამოვნება ხან მოკლე და წუთიერია... აი გინდა ლხინიც... პირველში თითქოს მართობდა, მავიწყებდა დარდს და მიქარგავდა სევდას... ახლა კი ისევ... ისევ...

დედოფ. რაზე მოიწყინე, ჩვენო დიდებავ?... რატო ისე მოგელრუბლა მაღალი შუბლი?... უბძანე და განა მთელს შენს სამეფოში არ მოიპოვებინა საუკეთესო მოცეკვავე ქალები?..

მეფე. არა, არა... რომ მომაგონდებოდა: ეს ძლიერი სამეფო, დიდძალი განძი და სიმდიდრე... ვის დაუტოვო?!.. შენ იცი, დედოფალო, ჩემი გულის ნაღველი, ჩემი მწუხარების მიზეზი. საუკუნობით განთქმული დიდებული და ძლიერ-მოსილი მეფეთა გვარეულობა უნდა მოისპოს?... ვის ჩავაბარო ყოველისფერი, ვის გუანდერძო ის, რაც გადმომცეს ბრწყინვალე წინაპრებმა?—

სპასალ. მზეო ქვეყნისავ, ნუ მოაწყენ გულს, ნუ დაჰკარგავ იმედს, სასოწარკვეთილებას ნუ მიეცემი... გეყოლება კიდევ შვილი და შენთან ერთად გაიხარებს ქვეყანა...

მეფე. ჰმ... რაღადროსია... კაცი ვბერდები... სადაც არის შავი აჩრდილი წამომეპარება და ზარს ჩამოჰკარავს...

ვეზირი. ჩვენო დიდებავ! მოგვაპყარ სმენა შენი და მოწყალებით გადმოგვხედე... უზენაესმა ხანგრძლივ ჰყოს შენი სიცოცხლე და ბედნიერად მრავალ ჟამიერ გააბატონოს ჩვენდა სასიხარულოდ და ქვეყნის საკეთილდღეოთ... მაგრამ ნუ დააობლებ შენს სამფლობელოს, ნუ დასტოვებ უბატონოდ შენს ერთგულს ხალხს... მართალია, შვილი არ გეყოლა... აღბად ეს ღვთის განგება... მართალია, ორი საუკეთესო გვარის შვილები, რომელნიც შენ იშვილე, უღმობელმა სიკვდილმა ჩვენდა საუბედუროდ წაგვართვა... აღბად, ესეც ღვთის განგება იყო... მაგრამ გემუდარებით, სცადე ერთი კიდევ... ამოარჩიე კიდევ ერთი წარჩინებული გვარის შვილი, შვილად აიყვანე...

მეფე. როგორ? კიდევ ერთი უმანკო პაწაწა ბავშვის ცოდო ავილო ტვირთად?... კიდევ გავხადო ვინმე მსხვერპლად?... არა, არა, აღბად ჩემი ბედი ასეთია. არ ვიცი კი რა შევცოდე მაღალს ღმერთს, რომ ასე სასტიკად მსჯის... არა, შვილი მე არ მეყოლება და ვერც შვილად ავიყვან ვისმეს... (გაისმის უცბად ქეჩა-ქუხილი თითქოს სადაც ახლო მენი ჩამოვარდა... დაუბერავს ზუზუნით ქარი. ყველანი წამოხტებიან. მარცხნივ კლდე გაიბობა და გამოჩნდება **დავრიში**. წითელი სინათლე. ყველანი თავზარდაცემულნი შესტკერიან დავრიშს. იგი მძიმე ნაბიჯით მოდის წინ და მეფეს მიესალმება.)

დავრიში. დიდება და გამარჯვება სახელგანთქმულ მეფე ჯიმშერს!..

მეფე. ვინ ხარ შენ? როგორ გაჰბედე აქ მოსვლა დაუკითხვად?... ჯოჯოხეთის თუ სამოთხის მოციქული ხარ?

დავრიში. შენი მორჩილი მონა, საწყალი დავრიში... გლახაკი და კეთილი ხალხის წყალობით მცხოვრები.

მეფე. რა გინდა აქ? როგორ გაჰბედე, გეკითხები, ჩემი ნადიმის და ლხინის შეშლა?

დავრიში. მაპატიე, მეფევე... შენი ნადიმი და ლხინი სევდით და გლოვით არის გამოწვეული. ვიცი შენი გულის ნაღველი, ვიცი რა გაიძულგბს შენი ტკივილები და ბოლმა ლხინით და ვითომ მხიარულებით გაიქარვო, დაივიწყო... მე გიშველი, მე აგისრულგბ სურვილს... მე მოგცემ შვილს...

მეფე. შენ?... რა შეგიძლიან, შენ, ვილაც საბრალო დავრიშს?... მთელი ქვეყნის ბრძენნი, ნასწავლნი სცდილობდნენ... რა წამალს, რა შელოცვებს არ ხმარობდნენ ჩვენი გულთმისნები და ვერა გააწყესრა და შენ, შენ, საცოდავო დავრიშო, რა უნდა მიშველო... შენ რა შეგიძლიან?..

დავრიში. თუ ჩემმა აქ მოსვლამ არ დაგანახვა თუ რა შემიძლიან... მაშ, კარგი. აჰა, შეხედე ცას— მთლად მოწმენდილია, ერთს პაწაწა ღრუბლის ნაგლეჯსაც ვერსად დაინახავდა აჰა! (გაიქნეს მარცხენა ხელს და წვიმას დაუშვებს. ყვე-

ლანი ხის ქვეშ ეფარებიან) აჰა, ახლა, კიდევ (გაიქნეს მარჯვენა ხელს და წვიმას გადაიღებს) აი გადაიღო, გამოიღარა... ახლა ხომ გჯერა, რომ ბევრი რამ შემიძლიან.

მეფე. ბელზეულისაგან ხარ მოგზავნილი, თუ მართლა წმინდა სული მოგვევლინა საშველად?

დავრიში. ეგ სულ ერთია... მაგას ნუ გამოეკიდები... მე უბრალო, საწყალი დავრიში ვარ, მაგრამ შველა კი შემიძლიან,—შვილს კი მოგცემ...

მეფე. მიშველე და შენს წონა ოქროს არ დავზოგავ. ნახევარ სამეფოს მოგცემ, ოღონდ აღმისრულე...

დავრიში. დავრიშს ოქრო არ ესაქიროება და არც მეფობა უნდა... გითხარი გიშველი, მხოლოდ ერთის პირობით და თუ დასთანხმდები, წამალსაც გასწავლი.—


მეფე. სთქვი და არას დავზოგავ, არაფერს შეუშინდები... **დავრიში.** მაშ კარგი... წლის თავზე დედოფალს ეყოლებოდა ტყუბი შვილი, ორი ვაჟი. მათში ერთი ჩემი უნდა იყოს... თუ თანხმა ხარ...



სკრიპკაზე დამკვრელი ილიკო ქურხული. (იხ. დღევანდელი გაზეთი).



ილიკო ქურხული ს.პეტერბურგის სახლების ეზოებში ხალხისათვის სკრიპკას უკრავს. (იხ. დღევანდელი გაზეთი.)



ახლად გახსნილი, ქალაქის ბაღი (პარკი) ვერაზე, მტკვრის პირად.

დედოფ. უიშე, დედამ შვილი როგორ უნდა გაიმეტოს? ორ ძუძუში ერთი რომ მოჰკლიჯო, არ ეტკინება?

მეფე. მოითმინე, დედოფალო... თუ კი ორი გვეყოლება?.. ნათქვამია სულ არარაობას ცალ უღელი ხარი სჯობიაო...

ყველანი. დასთანხმდით, მეფე—დედოფალო, დასთანხმდით... ნუ დააობლებთ ქვეყანას..

მეფე. (დავრიშს) კარგი, მე თანახმა ვარ... აი ამ ხალხის წინაშე გიცხადებ; თუ წლის თავზე გვეყოლა ორი ვაჟი, მათში ერთი შენია... გვასწავლე წამალი...

დავრიში. დილის რიქრაქზე დედოფალი გაბძანდეს ბაღში და თავის ხელით მოსწყვიტოს ქიაფერი ვარდი, რომელიც შადრევანთან ჰყვავის, ისე კი მოსწყვიტოს, რომ არც ერთი წვეთი დილის ნამისა არ ჩამოვარდეს. მარცხენა ლოყით შეაშროს ის ვარდი და მერე შესქამოს. წლის თავზე ეყოლება ტყუპი ვაჟი. თერთმეტის წლის, თერთმეტი თვის, თერთმეტი დღის, თერთმეტი საათის და თერთმეტი წუთის შემდეგ მოვალ და, მეფევე, ჩვენი პირობა უნდა აღვასრულოთ. (გაისმის ქუხილი, ქარი. დავრიში კლდეში იმალება. ყველანი თავზარდაცემულნი სდგანან.)

ფ ა რ დ ა .

სურათი II.

ღარბაზი სასახლეში. უკან დიდი ფარდა, რომლის უკან ბავშვების ოთახია. ამ ოთახის იატაკი ცოტათი მაღლაა ვიდრე იატაკი ღარბაზისა და აქვს კიბე. კიბის აქეთ-იქით თითო დარაჯი სდგას. ღარბაზში მარჯვნივ მეფე დედოფლის ტახტია. მეფე, დედოფალი ტახტზე სხედან, ორივე მხრივ ჩამწყვილებულან კარის კაცი და დიდებულნი, მათ შორის ვეზირი.

მეფე. (ვეზირს) ხომ აუწყეთ ხალხს ჩვენი ბედნიერება?.. ხომ კარგად უმასპინძლებით ხალხს? ნურას დაზოგავ. სიხარული და ბედნიერება ჩვენი უსაზღვროა და გვსურს ხალხმაც გაიზიაროს იგი...

ვეზირი. დიდებულო მეფევე! ეს ერთი თვეა, რაც დაგლოცა უზენაესმა და დედოფალს ორი ვაჟი შვილი ეყოლა და ამ დღიდან ხალხის სიხარულს საზღვარი არა აქვს. ლხინობენ, და შეჭხარიან ახლად დაბადებულს მეფის შვილებს. სარჩო სანოვაგე უხვად აქვთ... ღვინო, ჰური უღვევლი, შენი წყალობით...

მეფე. აგრე, აგრე ყველას უხაროდეს... ჩვენი სურვილია, რომ ჩვენს სამეფოში ყველა ჩვენსავით გახარებული და ბედნიერი იყოს... შემოიყვანეთ ახლა დესპანები (კარის კაცი გადის. დედოფალს) ჩემო ძვირფასო, ჩვენი პაწიები როგორ არიან?

დედოფ. ნამდვილი ანგელოზები არიან... გარდა ორი ძიძისა თითო ბავშვს ორ ორი საუკეთესო გამდელი მიუჩინე... დარაჯები მუდამ სდარაჯობენ,—ავი თვალი არ ეცეთ.

მეფე. ყოველ მხრიდან დესპანები მოდიან მოსალოცად. (შემოდინ დესპანები ამალით და საჩუქრებით.)

პირ. დესპანი. დიდება და დღეგრძელობა სახელოვან მეფე ჯიმშერს! უფალმა გიკურთხოს მარჯვენა და ბედნიერად გიცოცხლოს ოჯახობა! შენი ძმა და მეგობარი ჩვენი დიდებული მეფე არსლანი სალაშს გიძღვნის, გილოცავს ვაჟიანობას და გისურვებს ყოველგვარ სიკეთეს.

მეფე. გმადლობთ, დესპანო! დარწმუნებული ვარ, რომ ჩემი ძვირფასი ძმა და ერთგული მეგობარი მეფე ასლანი იზიარებს ჩვენს ბედნიერებას. უღრმესი ჩვენი მადლობა გარდაეცით მეფე ასლანს. (პირველი დესპანი გადგება განზე.)

მეორე დესპანი. სალამი და გამარჯვება დიდებულ მეფე ჯიმშერს! მიიღე, ქვეყნის მზეო, გულწრფელი სალამი და მოლოცვა ჩვენი დიდებული მეფის და შენი ერთგულის ძმის მეფე დურმიშხანისა. უფალმა გაგიზარდოს ისეთი შვილები, როგორიც შეჭფერის შენს დიდებას და სახელს. გაუმარჯოს მეფე ჯიმშერს ოჯახობით!

მეფე. გმადლობთ, დესპანო! ჩვენს ძმას დამეგობარს სახელოვან მეფე ღურმიშხანს ჩვენი უღრმესი მადლობა. უზომოა ჩვენი სიხარული და ბედნიერება და ჭიგი ორკეცდება თქვენის თანაგრძნობით. ძრიელ ვწუხვარ რომ ვერ გვეწვივნენ თვით მეფენი ასლანი და ღურმიშხანი.

ორივ დესპანი. ძრიელ ჰსურდათ, მოწადინებულნი იყვნენ. მაგრამ მოგეხსენება, მეფევე, უგზოობა... ჩვენც ძლივს მოვახსენით...

მეფე. მიწვიე, ვეზირო, დესპანები... გაუმასპინძლდი, როგორც შეპფერის მათ ღირსებას... დესპანებო, გიწვევთ ხვალ ნათლობაში. (დესპანები თავს უკრავენ და გადიან ვეზირთან ერთად.)

პირ. კარ. კაცი. დიდებულო, მეფევე! შიკრიკი გიახლათ.

მეფე. შემოიყვანეთ (პირ. კ. კ. გადის) აბა, ვნახოთ რას გვხარებს შიკრიკი. (შემოდის შიკრიკი.)

შიკრიკი. ჩვენო დიდებავ! ბრწინვალე გამარჯვება! ფეხდა-ფეხ მომდევს და სადაცაა გაჩნდება შენს წინაშე ძღვევა-შოსილი შენი სპასალარი. როსტომმეფე სასტიკად დამარცხდა, ხელთ ვიგდეთ... მთელი მისი ბანაკი, აუარებელი ხალხი დაუტყვევებ... ძვირფასი ნადავლით და ტყვეებით გამარჯვებული შენი ჯარი ბრუნდება სამშობლოში.

მეფე. ასი ოქრო შიკრიკს! (ამ დროს მოისმის მუსიკა და ხორო: „ქართველო ხელი ხმალს იკარ...“)

ყველანი. გაუმარჯოს მეფეს! მეფეს გაუმარჯოს! (შემოდის დროშით ხელში სპასალარი, თან ახლავს ამაღა. სპასალარი მივა, დაუჩოქებს მეფეს და ჩააბარებს დროშას. სიმღერა სწყდება.)

მეფე. (ააყენებს სპასალარს და გადაეხვევა) გმადლობ, ჩემო დიდებულო გმირო! ძვირფასი საჩუქარი მიძღვენი.

სპასალარი. დიდებულო, ხელმწიფევე! სასტიკად და საბოლოოდ დამარცხებული როსტომ მეფე მოწიწებით შერიგებას ითხოვს...

მეფე. ვაპატიებთ, ვაპატიებთ... (შემოდის ვეზირი) და აბინავე, ვეზირო, დესპანები?

ვეზირი. დილ, ხელმწიფევე!

მეფე. გიწვევ, სპასალარო, ნათლიად... გავაჩლოთ ხვალ ნათლობა... შენ დანათლვე შენი ნიჭი, გულადი გული, მტრისათვის მძიმე მარჯვენა...

სპასალარი. არა ვარ ღირსი... ეგოდენ წყალობისა, ხელმწიფევე!

მეფე. ღირსი ხარ და ღირსეულად გაჯილდოვებ! ახლა, ვეზირო, გაგვიმასპინძლდი. დალოილ სპასალარს და ჯარს მოშვიდებოდათ და მოსვენებაც სჭირიათ. (მეფე ამალით, ვეზირი, სპასალარი გადიან. სცენაზე რჩება დედოფალი ორიოდ მხლებელი ქალებითურთ.)

დედოფ. (ადის ბავშვების ოთახში. დარაჯები აქეთ-იქით ფერდას გასწევენ. ოთახში ორი აკვანი ბავშვებითურთ. ბავშვებს ახლავან ძიძები და გამღელები. ღამდება. ბავშვების ოთახში კისფერი სინათლეა. დედოფალი მივა ჯერ ერთს ბავშვს აკოცებს. მერე მეორეს.)

დედოფ. ჩემო გვრიტებო, ჩემო ანგელოზებო! (ჩამოდის ისევ დარბაზში. დარაჯებს) კარგად უდარაჯეთ. თვალყური ადევნეთ...

პირველი დარ. ნუ რას შესწუხებები, დედოფალო, ბუზსაც კი არ გავაფრენთ.

მეორე დარ. ჩვენი მეფის შვილები, ჩვენი თვალის ჩინია... ნეტავი არ მინდა მიეკაროს ვინმე...!

დედოფ. ფარდები ღია იყოს, ჰაერი იმუშავეს. (დედოფალი მხებლებით გადის- ბნელდება, დაღამდა. გამდლები გადიან უკანა კარებიდან. ძიძები მიწვებიან ტახტზე.)

პირველი დარ. (ამოქნარებს) ო-ხ, რარეგად შეძინება, ეს მეორე ღამეა არ მძინებია... ბიჭო, მე ცოტას ჩავთვლივამ... შენ უდარაჯე, მერე გამაღვიძე: ახლა მე ვუდარაჯებ და შენ ცოტას ჩაიძინებ.

მეორე დარ. ეგრე უყოთ... სასახლეს! გარშემო დარაჯები არტყია და ვის შემოუშვებენ?..

პირვ. დარ. (ჩაიკეცავს კიბესთან, ამოიხრებს და ჩაეძინება. მეორე დარაჯი ცოტა ხანს სდგას, მერე კიბეზე ჩამოჯდება, ჩალუნავს თავს და იმასაც ჩაეძინება. ცოტა ხნის შემდეგ ამოძვრება იატაკიდან **დავრიში**, წავა ჯერ პირველ დარაჯს შემოავლებს თავზე ხელს, მერე მეორეს; შემდეგ ადის ბავშვების ოთახში, ჯერ ერთს დააქქერდება, მერე მეორეს და ამ უკანასკნელს შუბლზე თითს გაუსვამს. წამოვა, ჩამოვა დარბაზში და ჩაძვრება იატაკში. ამ სცენის დროს დავრიში წითელის სინათლით არის განათებული... გაიღება უკანა კარები, შემოცვივდებიან ფერიები. გარს შემოერტყმიან აკვანებს, უნიავებენ ლეჩაქებს და ნანას დამღერიან, თან სრიალებენ. ნაზი მუსიკა.)

პირიმზე. (დააქქერდება ბავშვს, რომელსაც დავრიშმა ნიშანი დაადო) უიმე, ფერიებო!... ვგონებ დავგვიანებულვართ. ამ პაწაწას ეშმაკის ნიშანი ადევს...

მთვარია. უი, საცოდავი! მერე რა კარგია...

ბროლისახე. როგორ იღიმება ძილში...

ნათელა. შენი გულისა, ტუჩებს აცმაკუნებს...

წკრილა. ძუძუს ეძებს...

ანკარა. ბედშავი! უნდა უშველოთ როგორმე.

პირიმზე. გარს შემოერტყით, ფერიებო, შევულოცოთ... მერე ლეჩაქებით მოვწმინდოთ შუბლი და ნიშანი გაქრება, ეშმაკის ძალა მოსცილდება...

ფერიები. (უვლიან გარს.)

შავ ბნელო ძალნო,
შხამით საესენო,
ნუ ერჩით ბავშვსა,
იგი წმინდა არს
ჩვენია ხვედრი...
ჯურღმულისმამკვიდრნო,
ეშმაკის კერძნო,
წარვედ გაჰქრენით,
ქვესკნელს ჩავარდით!

პირიმზე. (ლეჩაქით უწმენდს ბავშვს შუბლს) აი, წარიშალა ქაჯის ნიშანი... ახლა კი დროა, დრო, ვგონებ ძიძა იღვიძებს... წაიღეთ. (ერთხელ კიდევ შემოუვლიან და უკანა კარებიდან გავლენ. ნაზი მუსიკა.)

ფ ა რ დ ა.
(შემდეგი იქნება)

ი. გედევანიშვილი.



110 წლის საბედო ზღაპრისა და მისი შგ-შგ-შგ-შვილი. სოფ. ჭატენის მცხოვრ. (გორის მაზრა.)